

Federacija Bosne i Hercegovine
Unsko-sanski kanton
Općina Sanski Most
MZ Hrustovo

Broj: 05-9-49-11/17

Datum: 12.04.2017.god.

UNDP Representation Office Banja Luka
Trg Republike Srpske 1/C1, Banja Luka
Bosnia-Herzegovina

Diana Silic
Field Officer MZ Project

PREDMET: Zapisnik sa trećeg Foruma MZ Hrustovo

Dana 10.04.2017. godine, u prostorijama OŠ Vrhpolje područna škola Hrustovo, sa početkom u 20 sati održan je treći Forum građana MZ Hrustovo, sa slijedećim dnevnim redom:

1. Revizija prioriteta i zaključaka sa prvog i drugog Foruma građana MZ Hrustovo
2. Inovacije i razvoj, mogućnosti za našu mjesnu zajednicu

Forumu je prisustvovalo 51 građana MZ Hrustovo (spisak prisutnih u prilogu ovog Zapisnika), sa fasilitatorima:

- Seferović Ernad, fasilitator
- Kukavica Aida, pomoćnik fasilitatora

koji su pripremili i vodili ovaj Forum, sa predloženim dnevnim redom.

Zapisnik vodio koordinator: Ilijaz Mehmedović.

Nakon što je dnevni red jednoglasno usvojen, pristupilo se radu Foruma.

Ad.1 Revizija prioriteta i zaključaka sa prvog i drugog foruma Foruma:

Vežano za prioritete, definisane na prvom forumu, nakon iscrpne diskusije zaključilo se da su neki prioriteti realizovani, u fazi realizacije ili da su ušli u programe realizacije za tekuću godinu, te da je listu prioriteta potrebno revidovati. Također je bitno napomenuti da su, jednoglasno, definisani i novi projekti koje je potrebno uvrstiti na listu prioriteta, uključujući i zaključke sa drugog foruma.

Na slijedećoj tabeli prikazana je revidovana lista projekata za realizaciju, po prioritetu:

R.br.	Naziv projekta	Vrijednost projekta (KM)	Vrijeme realizacije	Komentar
1.	Sportsko rekreativni centar Hrustovo – II faza (izgradnja stambenog objekta)	preko 30.000	do 12 mjeseci	Prioritetno izgraditi dio objekta, koji sadrži svlačionice i kupatila za sportske ekipe (prizemlje objekta), kao i preostale infrastrukturne radove (prilazni put i dječje igralište). Svi radovi se izvode po Glavnom projektu.

2.	Hrustovačka pećina - uređenje prilaza	preko 30.000	do 12 mjeseci	Završetak saobraćajnice u dužini cca 250 m sa izradom parkinga. Uređenje pješačkih staza, klupa i ostalih sadržaja.
3.	Edukacija za administraciju web stranice MZ, koja je u fazi izrade, kao i obuka za učenje engleskog jezika, a sve u poboljšanju promocije i razvoja turizma.	do 10.000	do 12 mjeseci	Obzirom da smo adaptirali prostor i da raspolažemo modernim društvenim domom i doniranom informatičkom opremom stvorili su se uslovi za IK. U toku je izrada web stranice. Potrebno je educirati dvije osobe za administraciju web stranice. Za engleski jezik obuka za deset polaznika.
4.	Edukativne radionice za razvoj seoskog turizma	do 10.000	do 12 mjeseci	Obzirom da raspolažemo turističkim draguljem, Hrustovačakapećina, potrebno je uraditi edukativne radionice za seoski turizam, gdje postoji široka lepeza mogućnosti.
5.	Edukativne radione i realizacija različitih projekata za socijalnu i društvenu inkluziju društveno isključenih kategorija	10.000 – 30.000	do 12 mjeseci	Obzirom da se radi o seoskoj sredini, sa velikom stopom nezaposlenosti, gdje su prepoznate društveno isključene kategorije stanovništva za iste je potrebno iznaći mogućnosti za socijalnu i društvenu inkluziju.
6.	Hladnjača za maline	do 10.000	do 12 mjeseci	Za skladištenje viška proizvoda.
7.	Put Seferovići-Eminići	10.000 – 30.000	do 12 mjeseci	Mještani imaju obezbjeđenih 50% potrebnih finansijskih sredstava
8.	Kombajn za silažu	preko 30.000	od 12 do 36 mjeseci	Radi lakše pripreme silažne hrane za stoku, u okviru proizvodnje mlijeka.
9.	Put Begići - Kenjari	preko 30.000	od 12 do 36 mjeseci	Podrška povratku.
10.	Ulična rasvjeta za naselje Begići	do 10.000	od 12 do 36 mjeseci	Kako ne postoji ulična rasvjeta, nije potrebno posebno naglašavati potrebu za istom.
11.	Regulacija korita rječice Glibaja	10.000 – 30.000	od 12 do 36 mjeseci	Prilikom padavina pojavljuju se veliki problemi. Korito je potrebno očistiti i regulisati. Dužina cca 2,5 km.
12.	Fitnes oprema	do 10.000	od 12 do 36 mjeseci	Fitnes oprema u okviru sportsko rekreativnog i sportskog centa Hrustovo

Ad4. Inovacije i razvoj, mogućnosti za našu mjesnu zajednicu:

Turizam, kao vrlo perspektivna razvojna grana, u Sanskom Mostu ima šansu za brz napredak. Sanski Most, grad na devet rijeka, nudi sve blagodati: lov, ribolov, banjski turizam, historijske znamenitosti (Musala, utvrde iz različitih historijskih perioda, rimski most i dr.) i dvije velelijepne pećine Dabarska i naša Hrustovačka. Pod hitno treba uraditi glavni projekat za uređenje Hrustovačke pećine, kako prostora oko pećine tako i enterijer i obezbjediti investiciona sredstva za realizaciju. Razvojem turizma ostvarile bi se pretpostavke mnogo drugih mogućnosti, čime bi Hrustovo postalo mjesto poželjnog življenja, a time i novih razvojnih projekata.

S poštovanjem !

Dostavljeno :

- Naslovu
- Općinskoj službi za opću upravu i društvene djelatnosti
- a/a (x2)

Koordinator

.....
Mehmedović Ilijaz, dipl.ing.el.